

Huez no a duna sentencia riba kortgeding, pa loke ta e asunto di acceso di FBI den caso Holloway



E popular periodista Greta van Susteren aki ta purba di haya algun contesta di Fiscal Majoor Karen Janssen.

ORANJESTAD (AAN): Ayera tardi na corte a tuma lugar e casonan di kortgeding, relaciona cu desaparicion di Natalee Holloway.

Ta asina cu recientemente Prome Minister y Minister di Husticia a manda un carta na Ministerio Publico, cu ta bisa cu tur cooperacion mester worde duna na FBI, den e caso di Natalee Holloway, cu ta encera tambe cu FBI mester haya tur documento den e caso aki.

Abogadonan di Satish, Deepak y van der Sloot a entama un kortgeding, pa prohibi esaki.


Ayera tardi esaki a tuma lugar, unda cu e abogadonan a mostra huez cu segun nos leyman, FBI no tin ningun autoridad riba nos isla, pa haya documentonan etc. relaciona cu e caso di Natalee Holloway.

Las Americas

(Near Burger King)
Playa (Caya Grandi)
Tel: 582-1576



Tas pa scol
cuminsando for di
Afl. 5,=



Deepak Kalpoe saliendo for di Palacio di Husticia.

caso aki, ta trata aki di e principio, cu nan no tin autoridad pa nan haya esakinan.

Pa loke ta Ministerio Publico, segun Carlo esaki ta bisa cu e peticion di ayuda na FBI, ta basa riba tratadonan internacional di cooperacion, den casonan penal, entre Reino Hulandes y Merca.

Joran van der Sloot Diasabra awor ta cumpli 18 aña y prensa a puntra su abogado kico esaki lo nifica pe.

E abogado a splica cu mientras cu e tin 17 aña di edad, su mayornan tin e derecho di bishite igual cu su abogadonan tin derecho di

bishite.

Ora cu e cumpli 18 aña, esaki ta trece cune cu e derechonan ey ta stop di existi, pues e mayornan lo bay tin derecho di bishite, sinembargo esaki lo ta menos biaha, mescos cu tur otro detenido na KIA.

DIARIO a puntra Carlo cuanto biaha su mayornan lo por bishite, sinembargo e no tabata sa e contesta riba esaki. Joran van der Sloot y Deepak Kalpoe tambe a presenta na corte, apesar cu esaki no tabata necesario.

Abogado di Deepak, Rudy Oomen a splica cu su cliente a bin, pa motibo cu e kier sigui di cerca, kico ta pasando den

e caso aki.

E no kier a duna mucho comentario riba e caso, te cu e resultado worde duna.

Abogado di Satish Kalpoe esta David Kock a splica cu su cliente no a bin, pa motibo cu el a consehe pa e no haci esaki, pa e no mester pasa den tur e conmocion cu tin dilanti di corte.

Kock a splica cu e sentencia lo bin for di Curaçao via fax, sinembargo e no tin idea ki dia esaki lo ta.

Ta hasta tin posibilidad cu nan lo mester presenta na corte un biaha mas, si huez ta desea esaki.

KEN TA CRUSIFICA KEN!!

